

皇明經世文編

皇明經世文編卷之三百七十二

華亭

宋徵璧尚木 徐孚遠開公

編輯

陳子龍臥子 顧開雍偉南

盛翼進降汝叅閱

吳翰林疏

疏

吳中行

因變陳言明大義以植綱常疏

元輔守制

頃者天象示異星變非常聖心兢惕復戒諭大小臣  
工修省共圖消弭臣愚以草芥微軀荷蒙 皇上作

養洪造思效涓埃之報靡由也。且政事所當興革有官守者能圖之。臣寮所當刺舉有言責者能言之。非臣所宜與亦非臣所敢及也。第卽今日之大者要者爲皇上陳之。書曰天視自我民視天聽自我民聽夫言天而必言民者蓋天人相通感召有自凡事必質諸人心而安始揆諸天意而順天意順然後天變可消也。元輔張居正乞歸守制至再至三情辭俱窮矣而皇上眷倚則殷慰勉特至此豈惟明良相與稱帝王之盛節而已哉。仰惟皇上以受遺顧命之

臣而委心以任之。大孝也。爲社稷生靈以留之。至仁也。卽帝王念茲釋茲之盛心。奚尚焉。且事有輕有重。重于國則輕于家。臣人匪躬之義也。時有常有變。通其變。勿泥其常。聖人達節之權也。今皇上之意。豈不責之以義。而欲其通之以權哉。然而舉也。萬古之綱常所繫。四方之觀聽攸關。正宜深籌長顧。必思所以處之當。而求其安者。臣聞之君之使臣也。以禮人之愛人也。以德。謂之禮。非特接遇之文也。必以心相體焉。謂之德。非徒眷戀之私也。必以道相成焉。元

輔風夜在公勤勞最久謂父子相別十九年矣則子  
之由壯至強由強至艾與其父之從衰得白從白得  
老音容相睽彼此未觀而今長逝于數千里之外遂  
成永訣乃又不得匍匐苦塊一憑棺臨穴其情有弗  
堪者臣連日見衰經之容擗踊之狀上言寃情以手貼人前若以不得去爲

悲哀者人皆爲之酸楚而皇上必欲其違心抑情  
銜哀茹痛于廟廊之上且責之以紆謨決策調元熙  
載焉或者非其情也臣聞之禮義內賢者出皇上  
之特眷元輔者不以其賢乎域中之共仰元輔者又

不以其賢乎。賢者禮義之宗也。矧位當天下之重任。則身繫海內之具瞻。必正已而後可以正百官。而後可以正萬民。其理有必然者。今皇上之所以必留與元輔之所以不容不留者。其微權深意。非圓神通方者。未可告語。彼遐觀逃聽之夫。拘曲守常之士。人然也。或因其不去之迹。而歸以不韙之疑。安能家喻戶曉。而使之無里譚巷議乎。夫與情未愜。革面無庸。而皇上尚欲其敷化施政。端範移風于海寓之間。且責人之趨令遵教。用協丕式焉。或者非其理也。

元輔之爲賢輔弼也。其自信而對揚之言。惟曰聖賢道理。祖宗法度。斯二語兢兢守之。勿之有墜焉耳。宰予短喪。孔子曰。予有三年之愛于其父母乎。王子請喪。孟子曰。雖加一日。愈于已然。則終喪者。正聖賢之訓也。而身自違之。必其所不忍也。國家令甲丁憂守制。二十七箇月爲滿。雖庸人小吏。匿喪有律。惟武弁戎行。則墨衰從事。而未嘗以介冑之士處輔弼之臣。卽有往例可稽。亦三年未終而非一日不去之謂也。且當時諱之。後世訛之。乃內閣二輔臣首題之疏。

方以計聞。遂以例請。亦謬矣。至臺省諸諫官乞留之。  
○臺省○作○諫○詞○更○爲○風○節○掃○地○

疏實爲贅辭。尤昧成憲。抑又謬矣。然則奪情者正非祖宗之法也。而身自蹈之。必其所不敢也。以其所不忍所不敢。而委婉迂遲。不得已爲辭俸之請。又不得已俟大婚之期。臣竊有以諒其心焉。君之于臣。死生進退。惟其命而無所逃也。夫皇上無俞允之命。而屢責不止。則尤有所大不敢者。禮意隆渥。札諭諄懇。相須甚殷。誠千載一遇也。夫皇上有殊絕之恩。而求去必速。則尤有所大不忍者。然則所望以卹其私。



情全其大節者。亦惟在 皇上曲體而俯容之耳。况  
卹一時之情。正所以安其心。而責效于他日。全一人  
之節。正所以端其身。而錫極于兆民。則 皇上勉留  
之者。固所以爲社稷爲生靈。而臣則謂 皇上宐俯  
容之者。亦所以爲社稷爲生靈也。 皇上誠虛懷親  
賢。講學圖理。日召見大臣。益明習國家事。不以嗜欲  
漸開而懈心生。不以疆圉僅寧而侈心生。怠荒是戒。  
朝夕惟勤。將見聖德日盛。世道時雍。凡元輔所深望  
者。 皇上能終慰之。雖去猶不去也。於是仍虛位以

待。則計日可還。若有大政事。大謀議。或實封上奏。或遣使就咨。不然。則容其給假。營葬。竣事。趨朝。暫往。適來。以副倚注。斯君恩親誼。子孝臣忠。一舉兼得。萬世有辭矣。彝倫攸叙。風化大行。則人心安。天意順。或亦弭災消變之道也。臣之進也。元輔之所舉也。有師弟子之分焉。臣以爲苟有千慮一得之愚。所當吐露。而復以全軀保妻子之念奪之。非事君不欺之忠。亦非事師無隱之義也。臣豈不知臣之言。上違聖意。必觸天威。又豈不知臣之官。典在筆札。卽爲隱默。亦匪瘝

曠顧不優游清華而敢于干犯雷霆哉然昭是非垂  
勸戒亦史臣之職也與其記述于簡冊以彰穢示懲  
孰若披陳于君父之前求今日無過舉俾後世無遺  
議也伏惟 皇上寬斧鉞之誅賜芻蕘之擇而垂神  
俯納焉元輔幸甚愚臣幸甚

沈

公集

沈思孝

遵祖制開言路以養士氣疏

開言路

臣待罪滁陽近接邸報吏部等衙門辦事進士顧允

成等因御史房寰連章極力攻詆南京都察院右都御史海瑞乃不勝感憤共矢精白爲皇上剖陳忠佞明辨是非夫三臣之言千萬人之公言也皇上旣洞察之俯俞之矣乃復以出位加罪褫其衣冠放之田里人心移惑士氣銷靡此邪正治忽所關其幾微其害大卒無一人爲皇上言者臣受恩最深圖報靡所若徒畏權阿世不敢觸忌諱而緘默臣不恐也臣聞之國家之患莫大於壅蔽人臣之罪莫重於依違壅蔽則上下隔闕而忠良沮依違則朋比承望

而是非淆。查得大明會典一款。凡有利國利民之事。不拘百工技藝之人。皆許具實敷奏。又大明律一款。若百工技藝之人。應有可言之事。許執至御前奏聞。其言可用。卽付所司施行。各衙門但有阻當者。鞫問明白。斬。又臥碑一款。一切軍民利病之事。許當該有司。在野賢人。有志壯士。質朴農夫。商賈技藝。皆可言之。諸人毋得阻當。蓋臺省之官。專以言爲責。而諸衙門自職官。以至士庶。亦不以言爲禁。載在令甲。昭若日星。故民生利弊。時政得失。諫官言之。庶官亦得言。

之大臣言之。小臣亦得言之。使天下無不當言之人。無不可言之事。而後聰明益啟。幽隱畢達。此祖宗之制。爲國家慮至深遠也。夫何一二年間。今日以建言防人之口。明日以出位加人之罪。且移文各衙門。譏察禁阻。而進士觀政者。復令堂官約束。教訓。夫約束奔競等風。可也。而反約束其讜言直諫。教訓忠良等語。可也。而反教訓其箝口緘唇。此風一倡。其弊何極。諫官避禍希寵。不言矣。而庶官又不當言。大臣持祿養交。不言矣。而小臣又不許言。異日者。萬一有權

奸大孽。機密重情。皇上將何自而聞之。然則今所約束。所教訓。甚非社稷之利也。夫海瑞清節峻猷。廉頑激懦。皇上召之缺畝之間。置之綱紀之地。舉一人以風四方。凡有血氣者。莫不頌。皇上明聖。顯忠旌直。與二帝三王同符媲美也。律瑞以中庸之道。稍嫌其過。責瑞以通達之材。或非所長。然必有聖之時如仲尼者出焉。而後得以折衷之裁成之耳。彼房寰者。邪鄙之夫。貪穢之行。醜顏師儒之任。大開賄賂之門。按閱乖謬。閑節昭彰。東南已共見聞。非臣所空指。

摘者大抵寰之與瑞如薰蕕異臭鴟鵂殊音不可同  
日語卽四海之衆三尺之童能辨之而寰乃指正爲  
邪變白爲黑顯肆傾擠略無忌憚一疏不已再疏必  
勝此輿情所共憤公論所大不平者顧允成等始入  
仕籍初受國恩遂能明目張膽披悃瀝誠於皇上  
之前其心忠其辭直况慰留海瑞切責房寰皇上  
之旨亦旣行顧允成等之言矣行其言而復罪其入  
之罪此則實而失矣也何哉夫臣下之進言與皇上之聽言但問其言  
之是非而已如其非也雖臺省宐罪何可以其有言



皇明經世編

吳沈一公集

開言路

八

平露堂

責而曲貸也。如其是也。雖芻蕘空採。何可以其無言。職而加譴也。蓋盛世必廣求言之門。而本朝原無出位之禁。臣嘗厯稽掌故。正統間。歷事鄉舉士練綱。上中興要務。當時遂蒙俞旨。成化間。初選庶吉士。鄒智上祛邪直諫。後世因稱名臣。而觀政進士之建言者。如成化七年盧璣。以史事奏。成化二十二年敖毓元。以星變奏。及嘉靖初年。張璁以議禮具疏。凡此不遑縷數。皆進士之未授官者。竝未聞以出位加罪也。今用顧允成等之言。而故罪之。又因顧允成等之罪。而

槩禁之。未審於祖宗典章。國家禁例果合乎否也。此臣之所以不容於無言也。臣豈不知臣之言亦當蒙出位之罪哉。罪臣者不曰喜事。則曰好名。然使舉朝俱不言事。斯世盡不顧名。將不知所底止矣。臣之喋喋非敢有毫髮徇私背公市恩沽譽之念。天地神明實鑒臨之。伏乞皇上獨奮乾剛。大彰宸斷。復顧允成等冠帶。仍照資序選用。務除壅蔽之習。亟反依違之風。庶人心不至邪僻。士氣不至頽靡。其有裨於邪正治忽之之機者。或不小也。臣無任激切隕越之

至

皇明經世文編卷之三百七十三

華亭

徐孚遠闇公 宋徵璧尚木

選輯

陳子龍臥子 彭 賓燕又

何 剛慤人參閱

張鳳盤文集

疏

張四維

乞申飭史職疏

史職

具官臣某等謹題爲懇乞申飭史職以光新政事准  
禮部行文該本部題覆翰林院編修張位奏前事議

照裁定史職、係閣臣題請、查照本官奏內事理、將一應合行事宜、詳行議擬上請、題奉欽依、行文到閣、臣等議得、國初設起居注、迨後詳定官制、乃設翰林院修撰、編修、簡討等官、蓋以紀載事重、故設官加詳、原非有罷廢、但自職名更定之後、遂失朝夕記注之規、以致累朝以來、史文闕畧、卽如邇者纂修世宗皇帝穆宗皇帝實錄、臣等職在總裁、一切編纂事宜、俱遵先朝故事、不過集諸司章奏、稍加刪潤、櫟括成編、至於仗前注下之語、章疏所不及者、卽有見聞、無

憑增入。與夫裨官野史之書。海內所流傳者。欲事訪輯。又恐失實。是以兩朝之大經大法。雖罔敢或遺。而二聖之嘉謨嘉猷。實多所未備。凡此皆由史臣之職廢而不講之所致也。矧我皇上以睿聖御極。光被四表。文明淵塞。超越古昔。善政鴻猷。班班可述。類非章疏所能盡見。若不及時紀錄。奚以章闡盛美。垂法無極。所據申明史職。光復祖制。以備一代令典。在于今日。委不可缺。臣等祇奉明命。仰稽典憲。叅酌時宜。謹將一應合行事件。逐條詳列于後。伏乞宸斷惠

賜施行謹題請 旨

計開

一考禮儀定式凡遇常朝紀事官居文武第一班之後近上便于觀聽是卽古螭頭載筆之意洪武二十四年定召見臣下儀以修撰編修克侍班官是卽古史館設官雖多惟編簡等官隨仗入直紀事之意合行修復 祖制今後但遇常

乃爲真史官也

史館設官雖多惟編簡等官

朝御皇極門用史官四員列于東班稍上各科給事中之前午朝御會極門用史官二員列於御座東稍南專一記注言動其遇郊祀耕籍幸學大閱諸大典

禮亦用史官四員侍班。隨衆紀錄。其召見臣下。若朝  
堂公見。史官二員如洪武儀。至于不時宣召及大臣  
祕殿獨對者。恐有機密。不必用史官侍班。但令入對  
大臣。自紀聖諭。及奏對始末。封送史館詮次。其經筵  
日講諸臣。既皆史官。宜每日輪一人記注起居。不必  
另用侍班。

一時政所寄。全在各衙門章奏。是以宋有諸司供報  
史館之制。國初日曆之記。其制當亦如此。今宜查復  
舊規。除內閣題稿。并所藏諭劄詔勅等項。臣等令兩



房官員錄送史館外。仍行令六部等衙門。凡論奏題覆疏上。卽錄副一通。其南京併在外衙門官員諸色人等所上章疏科抄到部。卽錄副一通。俱送閣轉發史館。紅本下科。該科具寫旨意揭帖一本送閣。轉發史館。至于欽天監天文占候太常寺祭祀日期各令按月開報。其錄副不必如副本揭帖格式。但用常行日紙。高低以尺爲度。密行楷書疏爲一卷。不論疏數多寡。併用一封。簡釘緘送入。

一逐日紀載所貴詳備。諸司章奏浩繁。須分曹並纂。

方免遺失。所據直日史官、臣等擬每日輪日講官一員、專記起居兼錄御劄詔勅冊文等、及內閣題稿、留中章疏、其六曹章奏、選年深史官六員、分爲二班。人

纂二曹、每月一代、其分曹之法、須以繁簡相配、吏禮

特

一戶刑一。兵工一。如其日繁簡頓殊、不妨通融協纂

一。今次紀錄、以呈上起居爲重、其他事務、亦以備

異日之考求、俟後人之刪述、所貴詳核、不尚文詞、宜定著體式。凡有宣諭、直書聖語、御劄詔勅等項、備錄本文。若諸司奏報、一應事體、除瑣屑無用、文義難通

者稍加刪竄潤色外其餘事有關係不妨盡載原本  
語涉文移不必改易他如事由顛末日月先後務使  
明白無致混淆其或章奏之外別有事蹟可垂勸戒  
者如果聞見真確亦許據實備書但不得輕聽訛言  
有妨傳信

史官得以加意博采矣

開列此一段

一東西十館原係史臣編校之所密邇朝堂紀述爲  
便今次合用東館近上四所令直日史臣四員分居  
其中一起居二吏禮三戶刑四兵工除典守謄錄人  
隨役同供事外一應閑雜人等不許擅入其該館合

用紙劄筆墨酒飯等項俱照纂修例分給

一國史古稱為金櫃石室之書。蓋欲收藏謹嚴。流傳

永久。今宜稍倣此意。月置一小櫃。歲置一大櫃。俱安

放東閣左右房內。每月史館編完草稿。裝為七冊。一

冊為起居。附以諭札等項。六冊為六曹事蹟。俱于冊

面明白開寫。仍書年月史官姓名。送臣等驗訖。即入

小櫃。標記封鎖。歲終臣等題請。令禮部都察院翰林

院掌印官。公同開取。各月草稿。收人大櫃。先用禮部

都察院翰林院印信。標記封鎖。臣等仍用文淵閣印

信標護之永不開視。

一史館紀錄所用謄錄典守官吏臣等擬將見在史館謄錄官選取勤謹善書者四員專謄祕密文字行吏部選撥善書貼吏十二名專寫六曹章牘撥當該吏四名專管文冊及朝夕啓閉館門常川供事

一自皇上踐祚今且三歷歲朝茲者曠典修復盛

德大業將來不患無述其二年以前言動起居與夫

諸大政令皆諸臣耳目習所聞睹相應追書謹錄以

補錄

一時失記恐久而愈難輯革故欲及時

傳萬世臣等擬令日講官自每日輪記起居一員仍

用一員史官三員照前供事外餘三員暫不更替俱常川在館將二年以前初政并力編纂務期詳贖以光盛典俟補完之日方俱依前擬定規制行

乞重修會典疏

重修會典

謹題爲重修大明會典事准禮部手本該禮科給事中林景暘等具題前事本部覆稱我朝大明會典一書卽唐宋六典會要之遺意以昭一代之章程垂萬年之成憲至精至當顧其爲書成於弘治之末年至今代更四聖歲踰六紀典章法度不無損益異同其

條貫散見于簡冊卷牘之間。凡百有司。艱于考據。諸所援附。鮮有定畫。以致議論煩滋。法令數易。吏不知所守。民不知所從。甚非所以定國是而一人心也。嘉靖年間。世宗皇帝嘗命儒臣續修會典。自弘治十五年。至嘉靖二十八年而止。未經頒布。隆慶二年。都御史孫應鰲請彙集嘉靖事例。附入會典。今給事中林景暘等復申前請。委于政理有裨。合候實錄進呈。畢日。另行題請開館。掄選儒臣分局纂修。仍先行文各該衙門。選委司屬。將節年題准見行事例。分類編

集呈送堂上官校勘明白候開館之日送入史館以備采擇等因萬曆二年五月初四日奉 聖旨是欽

此照得 穆宗皇帝實錄進呈已久 世宗皇帝實

錄目今編纂已完臣等刪潤功亦將畢催督善寫計歲終可以進呈所有編纂諸臣在館閒暇前項欽奉

明旨續修會典一節委係昭揭 祖制齊一法守重

務相應及時舉行合候命下容臣等查照弘治嘉靖年間事例擇日開館選官分局作急纂輯仍行文各該衙門照依禮部題准事理各將本衙門見行事例



委官編輯送館、其一應合行事宜、及合用官員職名、  
容臣等陸續開具奏聞、

書

與王鑑川論封貢第五書

封貢

夜役至、領手教及疏揭、知貢議有成說矣、但李寧未  
歸、猶慮老把都去就不定、晦日之午得二十六日所  
發李寧稟帖、不覺欣躍、計疏議已發行矣、疏中事體、  
可謂曲當錢糧說破最善、前後事體、剖判極分曉、事  
定後、將前後疏議、并諸案照、及宣諭等劄、依日月欠

成一編刻而傳之不唯使天下知事之始末心之勞悴且使嗣事者有所遵守也疏中所議貢期以聖節

爲則名義甚正大但此事開端之始須爲久遠計如

○貢期當令日○後○可○以○遵○行○秋○防○須○嚴○此○○○

先帝聖節正在秋高馬壯之時亦足慮也甥意但令

二月爲期三月後出邊永爲定例其聖節但令四酋

一人或二人各獻馬或五匹或十匹來賀餘小頭目

北人勤倦答孫來降者

免行庶無後虞耳阿力哥似未可遣去前老酋亦畱

丘富子足以相當但不知此夷其心去向何如須有

以牢籠之不論在彼在此不論和戰皆有以得其用

爲妙。老把都等夷使至，不知齋有番文否。來使必有說，幸不惜詳示。老把都旣放史大官兒子，還可省諭屬夷，勿再偷彼馬。自生爨端，自議貢以來，且數月，近邊絕無抄犯。老酋不但守信義，亦見伊威令嚴，齊舅須申戒諸邊，不可見小貪得，失信于虜也。

與王鑑川論貢市第八書

貢市

部議旣得旨，不允復畱連數日。今晨始上，大要皆如舅議，唯貢使俱畱邊。此亦極便。士大夫中無見識人。者。此邊區欽示信于中朝也。然其入朝或別生事。多異日或虜由居庸入犯，必競爲危言相射。若虜使

所以欲令虜使入朝

心。不。知。之。邊。之。便。耳。

絕不入則嘵嘵者無所藉口矣。今早講筵中內閣面  
奏石老致詞謂北虜請和雖未可永保但得一年則  
有一年之便臣等以爲當許。皇上荅云卿等議處  
停當行出而諸公俱欣欣相視亦勝事也。此事今畚  
大定矣。且免小人閒言真是可喜。但甥頗有杞人之  
憂。今貢使有定額錫封有定員則禮部撫賞必有定  
則。卽如昨因那吉賣馬得利各帳物娘子卽紛紛來  
求討將來之事不可不謹慮預防杜其端釁也。互市  
雖以入貢爲期或再本時說大交易在入貢時其時

常虜衆或三五來市，驗有俺答把都真正番文，亦許隨便與市。如此方妙。庶可久行，且無他虞耳。前見老把都與黃酋書，似皆有輕中國意。練兵勵馬，時不可須○知○其○必○時○則○我○之○爲○備○有○餘○忽虜之畔盟，或五七年或十數年，不可期而我之防之當如在旦夕。庶有備無患，且可先事而伐其謀也。

與王鑑川論貢市第九書

貢市

昨晨得三日書，併俺把二酋來文，知老酋久待，有不耐意。幸昨旨意早飯時卽下矣。聖心爲此事甚切。前初二日部覆上時，令內使送至內閣傳旨云：此事

重大疏內語多不能詳覽卿等可仔細區處雖多費些賞賜也不妨觀聖旨拳拳若此而卿尹中絕無深誠念國者真所謂獨使至尊憂社稷也今日貢議之成雖諸相贊翊幹旋其實宸斷居多可謂天幸甥意可明以此意告虜說滿朝公卿因爾節年犯邊都不肯許封貢皇帝說爾等犯邊已申飭中外整兵

重邊臣

則事体得宜操縱在哉

廟議下旨此意正須與廣知之使之外

馬前來大閱原要三五年間大行征伐今爾等既知效順果是真心我爲天下主南北百姓都一樣愛惜可且依他封他官爵許他通市若是日久恭順自有

重厚撫賞若或變心。那時再征伐他不難。傳示各邊不要懈了邊備。使諸酋畏威感德亦一機也。昨部覆已擬如開元例。市用廣鍋。旋復中變。甥與諸老言鍋是虜中日用所急。恐求之不已。况廣鍋京中甚多。或他物聽民自用。唯鍋官買與爲市。禁民私市可也。吉能一枝旣附老酋求封。恐不可獨遺。使虜缺望。而部議漫無定執。此須舅相視機宜。曲爲之處也。天氣漸熱。虜且過大青山避暑。不知塞上待市有多少。人馬各鎮須選集武勇。嚴謹封守。以示有備。俺荅討二十

元寶一錠金老曾之意以趙全等換伊孫今縛數逆  
以此相抵也。况所縛諸逆皆瑣細不足枚數。如此板  
升萬衆竭中國之力不足致之矣。不如明示不用則  
虜技窮矣。若送至反難處也。老把都頗有跳梁。此虜  
恃其兵力不肯甘心不捨。以鬻夷爲事端。或秋來欲  
糾土蠻侵薊耳。須善偵之。傳諭宣鎮諸將無生釁隙  
使得執以爲詞。俟天祿再不遣至亦可疑也。再待封  
貢後看虜情的向前疏陳常差二通夜在渠營中渠  
肯容否把都情狀亦須爲老曾一言使之諭解。仍嚴



禁史車二食勿使復作梗也。貢使留鎮城。只說內裏  
熱。恐伊不服水土生病。貢期向後須爲活便。方可久  
長。并廣鍋及諸未盡事宜。舅可急上一疏。以應明旨。  
悉心區畫。務求穩便可也。今通好之始。須預定規制。  
恐我心無厭。後來肆其貪求。與之則費不貲而財難。  
繼不與則棄前好而生後怨矣。

與王鑑川論貢市第十書

貢市

封貢 旨意旣下。部咨聞已發行矣。求封通貢夷使  
卽須放入邊。但吉能之使。又煩區畫耳。側聞近因夷

夏通好。右衛大同城中。都有夷人往來買貨。公明出  
入。此須爲禁止。凡夷使須有各酋真正番文。當官驗  
明。方許入城。方關防可施。不然反側之地。驕宗降虜。  
乘隙鼓煽。恐生他虞耳。又開市一節。衆議闕然。多謂  
不可。今雖處分已定。尚嘖嘖私議。固是見識短淺。亦  
因先年隨市隨搶。故多疑懼。今作事之始。最宜慎重。  
務求十分停妥。商夷兩便。如夷人不利。將決裂而去。  
不顧後來。或華人不利。將怨謗橫生。訛言且起矣。甥  
意虜馬來多。商貨必不能給。須官爲區畫。或將該領

此○兩○者○皆○足○據○事○關○制○

馬官軍預給以價。使入市收買。或預處物貨以給。屬求務使夷遂所欲。民不知擾。但不可行鎮巡區處。鎮

巡必行各道各叅遊。各道行之州縣。叅遊行之部伍。

其勢必至于坐派坐派。一出公差人役。抑勒需索。侵

處得宜

隱誑騙之弊。百孔而出。必槩鎮人心騷動矣。此不可

不預防也。但當三令五申。示以交易之利。臨市防範。

須示以可恃。令之無恐。果夷遂所求。商得厚利。卽不

論來歲風聲一傳。四外人必爭赴矣。如此則異論可

息。和議可久。俺酋似已歸心于舅。或終無它虞。黃把

二酋旣得官號撫賞又獲通市之利必亦且顧戀不輕易割捨在我尤須時嚴修守練簡卒伍奮揚威略先事以懾其心杜其狂心與驕態果行之數年愈久而人愈趨之如遼東開元將永爲中國利矣

復邵梅墩論河漕

河漕

承示河淮遷變之詳及所爲弭患通漕之方晰如指掌夫關崔鎮口以利黃水就故道入海之勢挑清河口令淮趨草灣而復建閘清河之北挽淮合河此殆今日石畫必不可易者第淮水旣以清口高壅回注

山陽高寶灌浸新堤則淮揚民患極矣何不卽濬清  
口而吳公南尋入江之道必有說也僕考黃河初時  
上流多分支派故下流不甚遷徙自嘉靖中年支流  
淤塞全河下注乃無歲不遷徙然彼時不唯不疏濬  
支流反從而築堰障之惟恐復循故道者以二洪得  
全河其通漕反利耳今二洪且壅欲河循故道而入  
海若不開上流支派將歲無寧期且渦口近祖陵  
誠不可輕議若趙皮寨孫家渡諸處疏其一二故渠  
使伏秋水漲猛勢有所分洩庶下流安便不然總關

閘。崔。鎮。口。數。百。丈。恐。其。湍。怒。未。易。馴。也。夫。事。當。變。遷。  
營。求。之。始。不。厭。爲。謀。深。遠。唯。高。賢。爲。國。忠。慮。則。異。日。  
利。賴。無。已。極。矣。

與吳自湖論河復清口

河漕

辱。劉。論。兼。示。河。議。俱。領。至。教。昨。歲。公。原。議。欲。還。河。故。  
道。異。紆。淮。安。患。耳。清。河。以。北。建。閘。引。淮。則。爲。漕。道。計。  
也。彼。時。正。慮。役。巨。費。夥。措。手。不。易。今。河。自。歸。故。道。淮。  
自。清。口。出。下。流。仍。與。河。合。卽。漕。舟。稍。紆。曲。然。比。之。啓。  
閉。閘。壩。省。力。多。矣。民。患。國。計。兩。得。其。便。良。有。天。助。當。

嘉靖末漕臣亦常建議謂全河南注溢入清口恐淤墊漸高淮水不出擬築堤障清口引淮東行自七里店入河正慮近日之患今河淮之合復在清口東乃昔人所欲不惜工力從事者也此時伏秋發水期已過河淮安流則高寶湖水必漸稍減堤工行見奏績耳賢者獨勞北山所以興刺然公之茂猷嘉績則固聖心簡在久矣

復高鳳清

亭障徭賦

再承臺札諄諄以亭障未繕徭賦不均爲言且毅然

圖所以固封守甦罷療之策極知臺下爲山右安攘  
計至深遠矣無任欣戴先朝以大同外障三關不以  
邊論故防守殊略自正德嘉靖來三關日多事矣顧  
司封者卒卒謀目前不遠慮力亦不及時亦不暇也  
自虜款塞來廟堂汲汲申飭繕塞練武爲未雨綦土  
計且遣大臣閱視至再其言三關修守詳矣乃不知  
猶疎廢若此夫隱痼之疾惟盧福能知人情偷安稍  
勞之必生怨故前人多捱日自釋以去今臺下疚若  
已病欲以療之須自其要且衝者先從事焉尤必糧

凡事因循其弊皆坐此也



餉足。犒賞豐。使人役忘其勞。乃爲善道。第須先處錢糧耳。其墩牆緩急。修建次第。大段西關山勢陂陀。無甚高險。且土多沙鬆。易於頽壞。必扼要據險。使虜不能越。且可久恃。將必有道焉。亦嘗有人稱種樹之說者。弘正以前。三關少警。則林深勢阻耳。自伐山通道。（此語也。）遂不禁蹂躪。今欲種之。三年之艾。其果可蓄歟。古稱榆塞柳塞。以二木者。易生且易林也。唯臺下叅酌之。其均差役一節。極爲疲民深幸。第所開州縣。若屯留沁水。猶在中上。復有最積瘠累而未之及者。或偶以

其年糧完多故耳。幸臺明虛心博訪務求的確。亦有一州而東西異其肥磽。一縣而左右分其高下者。不可一槩論也。若沃土巖邑。卽比常賦稍加。其又何害。○不○均○非○必○一○槩○煩○重○也  
○今天下所患在干常賦

### 復胡順菴

亭障

自虜市目下已告竣。其繕塞一節。三晉人終歲勤動。不息肩者。三四十十年矣。方報完。復興役。心嘗疑之。博訪其由。則謂非盡虛文抵飾。良由地無水石且土脉沙磧築濬難而隳壞易耳。國初時遍地林木。一望不

徹故虜患絕少。近日樹木砍伐淨盡。遂無限隔耳。故計莫如種樹。樹之速成。又莫如榆柳。僕因悟古人榆塞柳塞之有由也。然種樹與築牆不同。築牆須密齊。接續不可出入。若種樹則但視土之宜木處多種之。初雖斷續久之成林。自然深厚相接。蓋取效不在一二年間也。

復那知吾

河池鹽法

在前池鹽不結。卽將鹽課查豁。嘉靖七八年間。有鹽院題疏可驗。於時部覆宣大歲額。發帑金補之。隆慶

間池鹽不生。鹽院具奏。以帑藏空竭而邊供甚棘。本

之法既以因商又將使並課自此以日亡也

部乃創為預責商辦待池鹽盛生補給之說。迄今為

河東大害。環中條數百里間富家無故破產者十室

九矣。其實非法也。茲承明臺惻然動念。祈免逋課八

萬。固為諸商大幸。若求長便。則帑金縱不能補發。或

運解行道宜分多少州

如丘文莊所議。解鹽不生。將河南汝南等處用解鹽

傳實為百以

引暫行淮鹽河北開封等處用解鹽引暫行長蘆鹽。

陝西等處用解鹽引暫行靈州鹽。令三處解銀河東

運司充課。待鹽生復舊。此亦通變一術也。今歲鹽花。

未知此時何如。商因旣極。若將來仍責預辦。不惟理有不通。卽力亦不敷。而勢亦不行矣。

復戚南塘

浙兵

將軍智略輻輳。爲國虎臣。譬則干將莫邪。水剗蛟螭。陸斬犀象。無不迎刃解者。南北奚擇焉。第曩時海上百勝之聲。著聞天下。比借重薊左。虜畏威不敢輕犯。塞旣無所試其長技。而賢者所在。傍觀者又多責備焉。此與將軍無損亦不足介懷也。然古稱師克在和。今南兵去家萬里。遠戍茲土。勢不得不加厚。聞卒乘

建國北門內堡

厚南卒此軍中所以有後言也然

間頗嘖嘖以不均生怨心此當有以懷輯之耳昔高

歡用鮮卑兵建績衣食倍于漢士其初相怨望甚而

歡能開諭和諧之故卒無它虞今將軍開闔北門凡

在統馭均其子弟亦奚有南北之辨要在辦集疆事

而已故願善處乎此而銷其不平卽煩言無足恤也

復郭環一

松潘虜情

承示松潘虜情伐謀之策臺下必有雄略豈章句生  
所能遙度但北虜耐寒四時衣旃裘西南山險林密  
水草沮洳或非其馳驅所便以愚度境外諸番爲所

驅掠勢不能抗。而巢穴爲所奪。失其生計。欲避則無地可往。欲入中國則必不見容。乃導虜入犯。一則欲委禍于我。而偷以其間生息。一則欲借虜力隨之入。搶與以失之虜者取償于我。一則虜與中國構得利。則無損于番。失利則士卒多傷。勢且弱不敢孤懸處。西裔必歸北。而諸番之患遠矣。此番情也。若度虜情。則搶番自其本志。賓兔親俺荅子。旣奉約束。豈其首先畔盟。且階成鳳固之間。北虜自來未至。况于松茂。此必無之理。彼入果得利其士馬物故。且不償失。如

大馬永嘗入川惟此一市然亦不至

折疊番情盡此數語

皇明經世編



嚴備禦。無論番虜逆順。慎我自治之防。俾無間可乘。乃完道也。

復高鳳渚

制馭番虜

報代吏人至。接臺諭。其論關右四鎮之事詳矣。僕家近汧隴。西事亦頗得之耳目。爲習切盡一篲。讀書好名。曩時貢市。多其主持。然亦貪狡多端。情狀未易涯量。非慾飽氣息者。須謹待之。大數套虜。密邇封疆。嘉隆間。我軍歲歲搗巢。不適寧居。其虜衆願貢市。甚于中國。此可保無變。丙兎俺曾孤孽。棄置西極。其部落

甚寡。昨歲爲中國逋逃所誘，漸肆鴟張，軍門一加咸詰，卽恐懼遠去。此雖非革心，然實憚中國，非若青把都滿五大等之桀驁也。番人以茶爲生，懸命中國，甚重。年來爲此會蹂躪，中國不能護，則固有所掠，屬者不至附虜爲中國患也。此唯在階固等處，文武官得人，保無他慮。而地方見連年多故，恐將來仍然。故先爲此說，冀爲異日免罪地耳。惟明臺鑒之。

復張嵒

杭城兵變

前以浙兵不靖，特煩臺駕南行，不意復與民變相值。

杭中士民在都者咸言若臺下入城遲一日卽闔郡

其味本集乃不見處置浙兵事

糜爛不可救矣諸狂狡乘兵變之後矚官府莫如已

也情其災禍有散法理

何掉臂橫行百千爲黨真有燎原不可嚮邇之勢臺

下單車疾馳不挾寸兵一士沉機默運霆擊電舉煜

轟莫測豺狼鯨鯢駢首就戮使滔天撼地之兇頃刻

漸滅何其神也僕誠願爲執鞭拜下風而未由已往

者營兵負不赦之罪而挾莫制之勢危疑反側勝之

既未能卽欲結之亦未信也今臺下用以立功則彼

既得自贖之路而在我可施有因之恩所以調停功

罪分別臧否銷前釁而圖後效者反藉是而獲長便矣。臺下應變雄略真與古名賢無異良仰良仰至于疏中所陳江南有司刻削太甚諸役悉怨民不聊生此乃海內同然僕久所疚心者希臺下渙然改易絃轍與浙人更始天下有式範焉此社稷福也

### 序

#### 恭擬世宗寶訓序文

世宗寶訓

朕聞我皇祖肅皇帝在位時侍臣有請纂輯聖訓名之曰嘉靖政要者我皇祖謙讓未遑且曰他日

朕身後史臣必書之。嗚呼逝矣。神衷其俟。諸後者。晰也。茲者恭修寶錄成。一代中興大烈。已可槩見。朕仍命儒臣就中掇其睿謨偉製。便於誦法。遵舊例爲寶訓二十四卷。親加裁覽。蓋不勝仰止之思焉。嘗觀前代人主訓辭可傳者無幾。且往往出臣下擬撰。惟我皇祖淋漓灑翰。頃刻千百言。累牘連篇。咸抒心所自得。無假思構。以之議禮議獄。經國籌邊。惟所施用。直與執中精一之學相爲表裏。其微詞奧義。有前聖未發六籍未備者。信定保之鴻謨。作則之明訓也。朕生

也晚不獲而承燕翼之謀然聆其緒言迺其遺範豈  
惟文章功業粲然具陳卽精神心術之微亦有可仰  
窺萬一者蓋我皇祖英資大畧本出于性生而典  
學崇儒又乾乾無一息之怠用能中天地爲綱常禮  
樂之主不偶然也夫三代有道之長其本在德澤其  
具在法度而救偏補弊隨時低昂則存乎人焉我

國家祖宗德澤在人二百年如一日顧法久而玩吏

是時江陵當國意主孫法鳳

緣爲奸惟皇祖揆時之宜乾綱獨斷故是篇所載

大要在綜名實飭修攘以興周官之法度而關雎麟

趾之意。未嘗不存乎其中。誠仁義並用長久之道已。  
朕屬承聖統、深懼弗克負荷、以忝先烈、惟是揚謨纂  
訓、傳之無窮、使繼今萬世子孫、益知祖宗德澤之  
所由延、法度之所以守、紹庭敬止、日慎一日、此則予  
小子一念覲揚之思、亦我皇祖惓惓以繼述望後  
人之意也、是爲序、

送少司馬玉泉趙公奉召還闕序

京營

玉泉趙公、以少司馬撫晉之明年間、并大和卒乘輯  
睦、威信旣昭、虜奉約束、惟謹、天子矚晉鄙無事、乃

召公赴闕，俾贊京營戎政。夫公勤事于四方久矣，自其釋褐登朝，馳驅南北，舟車且半天下，姑無論已。卽如六官亞尹，世稱簡秩，士大夫宣勞在國，于是少休焉。過此則位望益崇，責任滋繁，劇矣。公旣忝列卿，復出視漕政，已又總師晉郊，曾不獲一日自佚于佚。茲者明天子賜環之命，豈將以均勞與不然也？蓋今六官之務，任在常伯，亞尹雖與聞焉，受成而已。故曰簡也。若夫總天子之六軍而督護之，以尊內威外，則少司馬有專命在，而常伯不與焉者，其責任艱重，實



與諸曹不同其勞則視諸在外宣力者更倍也。聖天子將飭治詰戎績二祖之洪烈故妙簡才哲特加委任不以勞佚論矣嘗觀自古有天下者莫不申固封守崇嚴禁衛以示天下形勢比承平馴久則武備漸弛振而理之又惟禁旅爲難勢也近代若唐府兵號爲善制迨開元而敝張燕公具文武材其出閫邊塞簡軍實咄咄聞汰冗卒二十餘萬不勞餘力也比經營禁兵則遲回四顧不得已而募武勇充行隊焉一時亦暫改觀然未十年至使折衝府無兵可發

魚書不用。汜外患興。

唐兵弊而後漢漢騎之法爲不善

假使當時不爲曠騎其能復貞觀番上初制乎此難

言也。國家定鼎都燕天下兵不當禁衛畿輔之衆

歲漕東南粟數百萬石飼之慮至深矣。景泰間始肇

團營之制乃就伍中選果毅備征調優其衣糧時時

練習之其後雖屢有廢更大較不相遠迄今營制團

操兵額僅十萬餘爾。往時團操伍缺有老家兵補之。

蓋取諸京衛所。今京衛所皆懸空籍無一卒而操兵

且常不滿十萬之額。東南漕糧不減于昔而度支僅

皇明經世編

張鳳翔集

京管

三

十四

四

僅無贏餘。此其故有難究詰者矣。夫疆場事誠難。然受天子專鉞之命。伸縮在已。故豪傑之士。能以事功自見。輦轂之下。其關係重于邊塞。乃積習之患。則未可驟治者。張燕公之在唐是已。玉泉公南淨海氛。北繫虜頸。其才畧勲望。表表著當代。聖天子欲以作新禁旅。加意授任焉。則今之營兵。易耗蠹爲精勇。復祖宗舊者。必于玉泉公見之矣。公雖入。惡能佚耶。公堅心直道。不異古人。其所至有成績。不獨以才美。故余下公斯行服。天子知人之哲。且慶我政之

積蠱有瘳也

記

懷慶府修建河內縣河渠記

懷慶河渠

河內在中州稱沃壤。故賦入倍它邑。其地饒水泉。浸灌之利。蓋沁水自太行南出。由枋口而東。會堯王泉。水又東。丹水注之。丹沁之名。古今甚著。堯王泉不見于傳記。徵之水經註。五行之阜。丹沁之間。有刊水出焉。在野王西北。疑卽此水云。沁水之溉田。蓋久。其易枋口以石門。則自魏典農中郎將司馬孚始。其表云。

雲雨中人。燠濟不困。民至于今賴矣。其後一見于唐河陽節度使溫造。嘗奏開懷州古秦渠枋口堰。溉濟源河內溫武陟四縣田五千餘頃。再見于元懷孟路總管潭澄。令民鑿唐溫渠溉田。然皆沁水也。其鑿丹河以利民。不知始于何代。考郡誌所載。沁水凡引爲支河者五。丹水凡引爲支河者十。獨堯王泉先未有引以溉者。然丹沁諸支河特其名稱存郡志耳。其渠堰湮廢。水脉闕塞者且過半。故今河內民力稱凋敝于曩時。隆慶丁卯。文安紀大夫來視郡事。毅然以興

引河溉田大利也此文故詳之

廢起疲爲任、繕城隍、均田賦、節財用、肅綱紀、百度駸  
駸舉矣、踰年值歲祲、大夫多方注措、謀所以佐百姓  
急者、或以水利告、大夫趨之、卽躬率僚屬升丘降隰、  
徧搜陳迹、質諸野老之識、故實者、因得夫疏導興建  
之宜、精心內畫、具有成算、乃白之分守陳公、委郡倅  
臨汾喬君某司其事、徵丁夫于居民之瀕河者、分其  
役、捐俸金百佐其費、儲賑濟穀四百餘石給其食、鋪  
畚旣備、百里具作、工殫吏勤、晨昏有課、甫閱月而功  
告竣矣、蓋凡大夫所開創渠河六、在沁水有曰通濟

河曰廣惠北河。曰廣惠南河。在丹水有曰康濟河。曰  
普濟河。又引堯王泉爲惠民河。通濟卽郡志所稱廣  
濟水。經所謂沁水南出爲朱溝水者。歷濟源河內溫  
武陟四縣。入黃河。延二百五十餘里。意古秦渠唐溫  
渠大較此耳。夷塞積久。漫爲平野。于是浚而廓之。岸  
口以丈計者六。底半之深十丈。其派引而旁出者十  
有四焉。中爲石閘二。廣惠南北河俱是濟源縣東。石  
梯取水。岸口視通濟得三之一。底視岸口得四之三。  
深一丈。北河長四十二里。派河十中爲陰洞二。大小

開九。南河長三十三里。派河十有三。中爲陰洞一。橋  
二。閘如派河之數。二河俱復入沁。康濟自趙家莊取  
水。闊一丈五尺。深半之。派河十有一。中爲石閘三。橋  
四。普濟自翠筠觀東取水。闊二丈。深得其十七。派河  
十。中爲石閘二。石橋五。陰洞三。二河俱長三十餘里。  
次第入于沁。惠民自泉源取水。闊七尺。深倍之。派河  
六。中爲大小閘五。長一十五里。亦附廣惠北河入沁。  
其舊丹沁支河之可葺理者。悉爲之啓其塞。暢其流。  
焉。由是四境之田無不受水利者。河內喬尹翔鳳謂

○據○一○○諸○見○其○利○



大夫是舉且貽懷民百世利欲勒諸堅珉以垂示久  
遠廼纂述顛末屬史維記之夫河內自秦漢來民擅  
河渠之利其疏浚築捍防害永利當必代有作焉乃  
今上下數千載間溫節度潭總管之外無聞焉二公  
固表樹閎鉅餘豈緊無人特以紀述不存故耳且元  
史載總管功猶唯曰沁則丹水溉田不越勝國國初  
時耳今時作者名氏已遺佚不可覩矧遠而千載下  
哉大夫並浚三河其興建視溫潭尤偉不慮後無聞  
第以作法貽遠欲使來祀可述儀鑒不遠當必于斯

文考焉。大夫名誠字勉夫。由工部郎出守懷慶。起家已未進士云。

### 延綏鎮修邊記

延綏邊防

延綏並北邊爲塞。東起黃河。墀而西接于寧夏境。延亘千有五百餘里。其繕塞爲垣。實自青城。余肅敏公始。當其時。虜患未甚熾。其垣堵庠薄。取足限內外而已。北虜入屯河南。侵軼煩數。肅敏所築垣。歲久僅餘殘址。正德中。楊文襄公乃擬爲巨垣。遏之異以時休。○用○間○用○之○者○專○以○守○保○爲○事○則○我○反○勞○而○虜○反○逸○矣士馬力驅之。北渡爲猷甚壯。工方興。文襄代去。嘉靖

初王恭襄公視西師。度虜未可卽驅。而文襄所繕垣。去軍營遠。據守不易。乃尋肅敏故蹟。繕之。畫爲三段。自定邊而東。至于龍城。爲西段。自龍城而東。至于雙山。爲中段。又自雙山而東。至于黃甫川。爲東段。西段最爲虜衝。其防禦之阻。亦惟西段最急。故役興自西段始。工未半。恭襄復代去。嗣是諸公蓋皆相繼繕之。或數里而止。或十餘里而止。而前所築垣。間復隕壞。蓋自隆慶中。而西段之工始竣。其東中二區。不暇及也。然延鎮卒前此。稱驍果爲虜所憚。其爲守禦不專。

恃地利近以虜數闖畿輔歲徵選鋒萬餘入衛者幾

此古最偏在干兵力而倚堡火之也

二紀奔命往來耗敝且極虜矚延卒不足憚靡歲不  
內訌而五原北地間蕭然不支矣今巡撫大中丞大

石張公初以臬使分巡榆西西路自邊垣外凡郡邑

屯衛其城多不足恃文武小吏至有露居無公宇者

公亟爲經營之兼城二鹽池墾營田萬頃餘歲徵租

供軍費軍府用以強富已調公巡榆東復爲葺城堡

飭公廨不啻西路然而自建昌抵黃甫川若干里邊

垣以成卽王恭襄所畫東段地也天子嘉公治西

事有績。謂公任事忠。乃進公中丞。付以全鎮。是時虜  
歸款。奉約束。不敢輒寇塞矣。公益汲汲爲桑土謀。若  
虜旦夕至者。乃首增築鎮城。崇視前加一倍。闊三之  
重。樓其四隅。甃堞以磚。其諸公宇倉庫學舍祠廟。一  
切構葺之。於是繕鎮城以北邊垣。西接鎮靖。東連建  
安。凡三百餘里。蓋恭襄所畫中段地也。其地多水。大  
小河無慮百餘。且沙礫叅雜。艱于得土。故前後無敢  
輒舉工者。公周爰審視。具有規畫。凡石砌大河口二。  
土築大河口四。石券水洞暗門八十有三。水口四十

有五。水。眼。五。十。有。一。水。道。四。百。三。十。有。二。由。是。汎。濫。  
衝。決。之。患。悉。所。不。畏。而。全。鎮。亘。北。邊。千。五。百。里。崇。塘。  
蜿。蜒。屹。爲。巨。障。矣。是。役。也。役。軍。丁。不。及。三。萬。人。三。年。  
而。終。事。用。銀。兩。十。萬。二。千。有。奇。公。乃。疏。言。其。狀。詔。下。  
司。馬。氏。司。馬。氏。曰。榆。塞。邇。虜。且。平。土。無。關。閤。自。虜。匪。  
茹。建。議。者。率。先。修。守。非。一。人。非。一。朝。矣。而。卒。莫。能。舉。  
事。者。則。以。延。袤。廣。邈。工。不。可。計。日。就。役。民。衆。而。經。費。  
夥。耳。茲。鎮。臣。能。于。三。年。中。城。千。里。塞。無。加。役。無。厚。費。  
法。當。徵。實。而。大。賚。之。以。風。諸。鎮。天。子。韙。之。特。詔。夏。

官大夫往覈其績、於是備得公措置規畫之方、調劑  
樽節之用、種種甚偉、天子乃晉公右副都御史、錫  
之金幣、勉以修廢、惜疲、圖畫戰守、用顯竟于前猷、蓋  
異典也、榆之文武者、彥總兵姜應熊、舉人馬希龍等  
以及屯隊間閭父老子弟、感公保障功、且爲延人百  
世永庇、屬鎮人藩叅榆浦崔公以手狀述公建創之  
詳、及諸蒐卒乘、庀器械、完倉廩、固帑蓄、汰奸宄、豐軍  
實、諸嘉政至備、以余叨從太史後、祈識其事于石、俾  
其後世尸祝公者、有所考云、公名守中、山西聞喜縣

人

平陽府襄陵縣新建磚城記

襄陵建城

襄陵舊築有土城圍凡六里許。旣庫且薄。不任防禦。其增崇培厚。且環而甃之以磚也。則自今歲戊辰始。襄陵在河東爲壯邑。河東地險。塞北有太原雲中爲之外障。入皇朝二百年餘。民不見烽警。故城池甲仗。所以禦侮計者。率散弛不理。列城盡然。不獨襄陵也。去歲丁卯。虜乘邊慮之不戒。闖入偏老。蹂躪邠嵐間。攻陷石州。殺擄極慘。遊騎且掠及霍州北境。于是河



東大震。民回顧遑遑。莫適保聚。虜旣去。監司乃下檄諸郡邑。築濬城池。督促旁午。惟時守令或浚財殫力。民怨蜩興。或慢令愒時。文書苟具。武安宋侯方視襄陵事。顧獨爲之深遠慮。曰。設險禦暴。卽在承平。不可忘桑土計。矧虜匪茹時耶。廼相舊城。絜其高二丈有二尺。曰。何庳也。增而崇者五之一。絜其厚四尺耳。曰。何狹也。增而闊者五之三。襄澤邑也。土隰易隕。則爲之陶磚而環甃之。石其址。經始于仲春之吉。五閱月而工完。用民力月不過一日。凡費緡錢大約八千金。

何○言○也○土○民○間○勝○力○不○

○其○其○

止耳。初侯念役興費鉅。顧帑無羨蓄。而又不忍箕歛

于民。乃屬父老子弟而胥諭之。俾各以力自効。因捐

前言自書然其實不可沒也故此

俸百金以倡。於是寮佐諸屬各出俸有差。而卿宦士

後詳

民慨然樂輸。有以千金自占者矣。侯乃擇民之質實

有幹局者數人。司其出納。吏胥絕不與。事完。官爲考

覈。朮胸而已。其措置詳密。號令明信。情愛懇惻。民用

丕作。方役之興也。築始于東面。役人則聞墻內若雷

鳴者三。悉有蛇出。土隨以裂。侯異之。訊之父老。爲祭

姑射山龍神。其異卽止。及是城成。襄人以爲有神助

焉。余觀圖經。及寰宇志。載劉元海築陶唐金城時。蛇  
媪之異。竊謂語怪。乃今去其時千載餘矣。土人猶能  
識其神而變幻亦相若。得非山川融結。固有靈奧不  
測者耶。宋侯勤于民事。幽鑒于神。屹屹崇墉。成功不  
日。興大役而神人用和若此。亦何有于外侮哉。侯名  
之韓。余嘉靖乙丑春闈所舉士。又宦于吾土。故知侯  
爲深且幸襄人之有永賴也。爲述其興建始末。俾後  
有考焉。

京師新建外城記

京師外城

皇上臨御之三十二年。廷臣有請築京師外城者。參  
之僉論。靡有異同。天子廼命重臣相視原隰。量度  
廣袤。計工定賦。較程刻日。于是京兆授徒。司徒計賦。  
司馬獻旅。司空鳩役。總以勸臣。察以臺諫。與夫百司  
庶職。罔不祇嚴。廼遂畫地分工。授規作則。制緣舊址。  
土取沃壤。寮藩輪鏹。以贊工。庶民子來而趨事。曾未  
閱歲。而大工告成。崇庠有度。瘠厚有級。繚以深隍。覆  
以磚墼。門墉矗立。樓櫓相望。巍乎煥矣。帝居之壯觀  
也。夫易垂設險守國之文。詩有未雨桑土之訓。帝王

城郭之制。豈以勞民。所以固圉宅師。尊宸極而消奸  
伺者也。國家自文皇帝奠鼎燕畿。南面海內。文經  
武緯。細大畢張。而外城未建者。非忘也。都城足以域  
民。而外無閑闐。醜孽敢于竊發。而征馬未息。故有待  
於我。皇上之續緒。而覲揚之耳。夫以下邑僻陬。卽  
有百家之聚。莫不團練垣寨。守望相保。况夫京師天  
下根本。四方輻輳。皇仁涵育。生齒滋繁。阡陌綺陳。比  
廬溢郭。而略無藩籬之限。豈所以鞏固皇圖。永安蒸  
庶者哉。故議者酌時勢之宜。度民情之便。咸謂外城

當建夫亦思患豫防順時之道當然爾引事深昔宋中葉武

使人不覺

備弛矣而汴京平行又非形勝之區其謀臣范仲淹

議洛陽之城非可後者乃不見用我國家方當全

盛將帥如雲重關外峙而控山帶海又非汴京者比

外城之緩急可知也我皇上一聞廷臣之議卽命

共工建茲丕業是豈羣臣之見越于仲淹實我皇

上軫念民瘼憂厯國體其視宋君之忽于忠計者萬

萬不侔也以隆王者居重之威以奠下民安土之樂

以絕奸醜覬覦之念豐芑貽謀苞桑定業不亦永世

滋大也哉。嗚呼。此固聖人因時之政。不得不然者耳。

未及此段。深爲得休。

要我。皇上之心。固將率土爲城。寰海爲池。恬冒入

荒。而無此疆彼界者。豈一外城之建。能爲限量者哉。

臣謹記